



Verwysing: 20211022-6959  
Lêerno.: 13/9/2  
Navrae: Distrikskantoor

Assesseringsbestuurminuut: 0019/2021

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulumondersteuning, Hoofde: Bestuur en Beheer, Adjunk-hoofonderwyskundiges, Kringbestuurders, Vakadviseurs en Hoofde van inrigtings wat kandidate vir die Nasionale Senior Sertifikaat-eksamens voorberei

**Onderwerp: Aansoeke van kandidate wat COVID-19-positief of in isolasie/kwarantyn is wat die Nasionale Senior Sertifikaat- (NSS-) eksamens in November/Desember 2021 wil skryf**

1. Die Departement van Basiese Onderwys, in samewerking met die Departement van Gesondheid, het op 04 November 2020 ooreengekom dat kandidate wat positief vir COVID-19 getoets het of wat in isolasie/kwarantyn is weens kontak met persone wat positief vir COVID-19 getoets het, toegelaat word om die NSS-eksamens in November 2020 te skryf, gebaseer op sekere voorwaardes. Hierdie reëling sal ook op die NSS-eksamens in November/Desember 2021 van toepassing wees.
2. Hierdie minuut moet saam met Assesseringsbestuurminuut: 0015/2020 van 06 Oktober 2020 gelees word, waarin die protokol vir die skryf van die NSS-eksamens in November 2020 ooreenkomstig COVID-19-vereistes verduidelik is.
3. Die ouers/voogde/versorgers van 'n kandidaat wat—
  - positief vir COVID-19 getoets het en in isolasie is; of
  - in isolasie/kwarantyn is nadat hulle in aanraking met 'n persoon was wat bevestigde COVID-19 hetmag aansoek doen vir hulle kind/voog om die eksamens in November/Desember 2021 te skryf.

4. Die ouers/voogde/versorgers van 'n kandidaat wat positief vir COVID-19 getoets het of 'n kandidaat wat in isolasie/kwarantyn is, moet die prinsipaal onmiddellik inlig oor die status van die kandidaat. Die prinsipaal moet die aangehegte aansoekvorm, **Bylae A**, aan die ouer/voog/versorger uitreik, en die ouers/voogde/versorgers moet afdeling 1 invul vir 'n konsessie vir die kandidaat om hulle eksamen(s) **by 'n isolasielokaal(-lokale) wat deur die distrik goedgekeur is**, te skryf.
5. Kandidate wat COVID-19-positief is of wat in isolasie/kwarantyn is mag **slegs by 'n isolasielokaal(-lokale) wat deur die distrik goedgekeur is, skryf**.
6. Alle aansoekers moet ingelig word dat die geslaagde voltooiing en voorlegging van hierdie aansoekvorm **NIE** 'n aanduiding **sal wees** dat die kandidaat goedkeuring verleen sal word om die eksamen(s) te skryf nie. Die finale besluit sal deur die Wes-Kaap Onderwysdepartement gemaak word.
7. Die aansoekvorm moet saam met die toepaslike versoekte bewys ten minste 24 uur voor die eksamendatum(s) en tyd(tye) by die prinsipaal ingedien word.
8. Die prinsipaal moet by ontvangs van die ingevulde aansoekvorm afdeling 2 van die aansoekvorm invul en dit na die distriksdirekteur/afgevaardigde distriksamptenaar stuur, wat die aansoek sal verifieer. Die finale besluit sal in afdelings 3 en 4 aangeteken word en deur die distriksdirekteur aan die skool oorgedra word, wat die aansoeker op sy beurt moet inlig daaroor.
9. Indien die aansoek slaag, sal die kandidaat skriftelik deur die distrikskantoor ingelig word oor die lokaal waar hy/sy sy/haar eksamen(s) sal skryf.
10. Sodanige ander reëlings sal slegs van toepassing wees tot op die 10<sup>de</sup> dag nadat die kandidaat getoets is of hulle isolasietydperk begin het. Daarna kan die kandidaat voortgaan om hulle eksamens by sy/haar oorspronklike eksamensentrum te skryf.
11. Prinsipale word herinner dat **kode "999" en IV** (isolasielokaal) op die **nasienblad** en **die register vir die beheer van skrifte** langs die kandidaat se naam geskryf moet word vir al die eksamens wat by die isolasielokaal geskryf word.
12. Die hersiene *Protokol oor die aflê van die November-eksamen in 2020 met nakoming van die COVID-19-vereistes*, van 08 November 2020, wat as **Bylae B** aangeheg is, is ingesluit.
13. Ouers/voogde/versorgers wat met opset die COVID-19-positiewe uitslag van 'n kandidaat in hulle sorg verbloem, sal die regsgevolge dra indien dit later blootgestel word dat hierdie inligting met opset weerhou is.
14. Prinsipale moet alle navrae oor hierdie minuut na die distriksassesserings- en eksamenkoördineerder verwys.

15. Prinsipale word versoek om die inhoud van hierdie minuut onder die aandag van alle onderwysers, opsieners en ouers/voogde/versorgers te bring.

**GETEKEN:** H MAHOMED

**ADJUNK-DIREKTEUR-GENERAAL: KURRIKULUM- EN ASSESSERINGSBESTUUR**

**DATUM:** 2021-10-26